



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

I. Hugo comes, qui Ludouici regnum infestabat, excommunicatus.

urn:nbn:de:hbz:466:1-15625

debita reuerentiæ dono Romano pontifici exhibendo commoniti sunt, vt vniuersalis ecclesiæ puppis exoptata tranquillitatis portui secura succedat, seque procelloso tribulationum turbine vexari diutius non timeat. Significatum est autem in eiusdem recitaminis sententia, prædictum præfulem Marinum ab ipso vniuersali papa tali tenore ad nostros fines directum fuisse, quo in omni ecclesiasticarum legum discussione ipsius existens vicarius, quæcumque liganda essent apostolica auctoritate ligaret, & quæ soluenda viderentur parili solueret potestate. Huiusmodi procul dubio affaminis tam salubri missatico gloriosissimi reges præfati, cum pontificibus, omnique clero, congratulantes, vt dignum fuit, se in omnibus consentire & obedire professi sunt. A quibus, auctorante & confirmante legato apostolico, capitula subsequencia statuta sunt. Dehinc ex sessionis suæ loco se subrigens inclytus rex Ludouicus, ad præsentiam serenissimi regis Ottonis, totiusque sanctissimi Concilii vnanimitatem, satis lacrymosi conquestus protulit querimoniam: videlicet quod regia priuaretur potestate a quodam principe Hugone nominato, quondamque sibi subiecto. Cuius anxietati & multimodæ reclamationi condolentes in vnitæte spiritus coadunati sanctissimi patres, eiusmodi super hac re sententiam protulere:

C A N O N E S.

I.

Concilium
Tolet. IV.
Can. 75.

NVLLVS deinceps regiam potestatem præsumat populari, seu aliquam perfidiæ maculam sibi fallaciter exhibere. Decreuimus enim, Toletani Concilii iudicium exequendo, Hugonem regis Ludouici regni inuasorem & raptorem excommunicationis gladio feriendum, nisi forte tempore statuto ad synodale Concilium veniat, & a tam nefaria proteruitate satisfaciendo resipiscat.

II.

Artaldus Rhemensis ecclesiæ archiepiscopus